

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

CII.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

si exemplaria multa in iis locis, ubi periculum est à Cinglianismo, distraherentur. Ac si ea res vobis aliquantulum incommodi allatura videretur, (quod ego quidem non puto) posset fortasse Typographi vestri nomen dissimulari. Sed hoc totum Exc. tuæ prudentiæ committo. Vehementer autem oro, Exc. tua det operam, ut typis, quamprimum fieri poterit, excudatur. Scio equidem, Ecclesiam DEi etiam sine mea opera constare posse, præsertim tot doctis libellis contra apertos & occultiores Cingianos dudum æditis, in quibus in primis etiam vestra scripta numero: sed tamen qualemcunque meam opellam pro virili ad conservationem sanæ doctrinæ conferre, & confessionem meam coram Ecclesia ædere volui. Quod meum pium studium, homine Christiano non indignum, spero Exc. tuam, pro pietate & humanitate sua eximia, libenter promoturam & adjuturam. Si quid erit, in quo meis officii Exc. tuæ veram animi gratitudinem declarare poterò, faciam id, Domino adjuvante, animo promptissimo. Bene & feliciter valeat Exc. tua, unà cum Dominis Collegis, clarissimis & doctissimis viris, quos reverenter ex me salutari peto. Data Studgardia, 14. Aprilis, Anno salutis 1572. Reverenter oro, ut Exc. tua prima quaque occasione rescribere non gravetur.

Excell. tua

studioff.

Lucas Osiander, D.

CII.

Salutem in Domino.

Quid agamus, aut quid patiamur potius, multorum sermonibus ad vos perferri credo, & vos ea causa vehementer sollicitos esse nihil dubito. Hero in progressionibus, autoritate Senatus, orationis consuetæ habendæ jus ereptum & Beuthero traditum est, qui paucas & malè consaccinatas Latinas periodos de scripto recitavit. Dasypodius, Sphæræ, Globi, Cosmographiæ, Logisticiæ ~~et cetera~~ ridicula edidit. Carolus Mügius oratione à Sturmio confecta prolixè laudatus est, credo nihil dignius laude istorum opinione eum fecisse, quam quod maxime necessario Scholæ tempore mortuus est. Conventus Scholasticus à progressionibus habitus, ad quem non modo ego & M. Florus, sed ne D. Planerus quidem & D. Giphanius vocati sunt. Tuppius Decanus creatus est, probante Magistratu. Herus Apologiam scripsit ad Senatū benè longam, qua istos homunciones, Dasypodium in primis, suis co-

lori

loribus pingit. In ea describenda ego nunc versor, ut superioribus diebus Weislandus. Itaque brevitati ignosces. Spero, nisi insanit ^{magis} demonstratam esse Heri innocentiam, & istorum perfidiam ne dicam an impudentiam. Sed utrunque. Ego utrunque afflictis rebus, tamen de eventu hactenus bene spero, sed invocatione opusest divini nominis & precibus. Disputationem tuam avidè expectamus. Mandatum est Hero, ut ad Magistratum de Illyrico etiam referat, qui convitiis ~~etiam~~ passim spargit. Vale & salutem quibus oportet. Argentorato, 23. April. 1772.

Theoricis à Peucero editas quæso mihi mittas; Hero reddam precium, tametsi ipse quoque præfationem illam contra Dasypodium videre cupit.

Tuus

Joh. Pappus.

III.

Salutem in Christo.

EX animo doleo, Reverende & Clarissime Vir, Domine & frater charissime, eo loco res esse & Academiæ & Ecclesiæ vestræ. Sed cum causa non sit tua, quæ & veritatem & gloriam Filii DEI spectat, non est, quod te excrucies. Dominus faciet, cum tu & Collegæ tui officium feceritis. Quapropter præsentis animo, Dominus tibi aderit, & negotium ad gloriam sui nominis, Ecclesiæ & tuam salutem diriget. Illyricum in errore perstare, similiter doleo, qui erroris sui patronos nullos habebit, nisi homines indoctos & turbulentos: fecisti Tu, quod potuisti, reliqua Domino commendes. Meum adventum ante festum Pentecostes non est, quod expectes, de quo ego te certiore faciam. interim forte aliquid fiet. Sequenti septimana Domino volente, Tubingam redimus, ubi pro felici auspicio Disputationem de Majestate Filii hominis proponam, in qua M. Philippus respondebit. Bene & feliciter vale. Salutante reverenter mei & Uxorem tuam mea costa. Raptim Elslingæ, 28. Aprilis, Anno 1772.

T. ex animo frater

Jacobus Andreæ, D.
CIV.